



**REPUBLIKA E SHQIPËRISË**  
**AUTORITETI I KOMUNIKIMEVE ELEKTRONIKE DHE POSTARE**  
**-Këshilli Drejtues-**

---

**V E N D I M**

**Nr.1883, datë 19.04.2012**

**Për**

**“Disa shtesa dhe ndryshime në Ofertën Referencë të Interkoneksionit në zbatim, të sipërmarrësit Albanian Mobile Communications Sh.A.”**

Këshilli Drejtues (KD) i Autoritetit të Komunikimeve Elektronike dhe Postare (AKEP), i përbërë nga:

1. Z. Piro	Xhixho	Kryetar
2. Z. Alban	Karapici	Anëtar
3. Znj. Alketa	Mukavelati	Anëtar
4. Z. Benon	Paloka	Anëtar
5. Znj. Zamira	Nurçe	Anëtar

dhe sekretare Znj. Marsida Drushku, në mbledhjen e datës 19.04.2012, sipas procedurës së përcaktuar në ligjin nr. 9918 datë 19.05.2008 “Për Komunikimet Elektronike në Republikën e Shqipërisë”, ligjin nr. 8480, datë 27.05.1999 “Për funksionimin e organeve kolegjiale të administratës shtetërore dhe enteve publike” dhe Rregullores së Brendshme të AKEP-it, shqyrtoi çështjen me objekt:

*“Për disa shtesa dhe ndryshime në Ofertën Referencë të Interkoneksionit në zbatim, të sipërmarrësit AMC Sh.A.,”*

**BAZA LIGJORE:**

1. Shkronja c) e nenit 8, neni 52, pika 1 e nenit 114 dhe pika 1 e nenit 115 të ligjit nr. 9918, datë 19. 05. 2008 “Për Komunikimet Elektronike në Republikën e Shqipërisë” (**ligji nr. 9918**);
2. Pika 17 e nenit 21 të “Rregullores së Brendshme të AKEP, miratuar me Vendim të Këshillit Drejtues të ERT-së, nr. 170, datë 24. 04. 2004, e ndryshuar dhe në fuqi sipas pikës 3 të nenit 138 të ligjit nr. 9918 (**Rregullorja e Brendshme**);
3. Rregullore nr. 19 datë 14.06.2010 për “Aksesin dhe Interkoneksionin” miratuar me VKD nr. 1300, datë 14.06.2010 e ndryshuar (**Rregullorja**);

4. Rregullore nr. 13 datë 16.04.2010 për “ Portabilitetin e Numrit” (e ndryshuar), miratuar me Vendim të Këshillit Drejtues të AKEP Nr.1219, Datë 07.04.2010.
5. Vendimi nr. 1466, datë 23.12.2010 të Këshillit Drejtues të AKEP “Për miratimin e Ofertës Referencë të Interkoneksionit të AMC Sh.a”, i ndryshuar;
6. Vendimi nr. 1739 datë 20.12.2011, i Këshillit Drejtues të AKEP “Për shfuqizimin e VKD nr.1436 datë 3.11.2010 “Disa ndryshime në VKD nr.1345, datë 23.07.2010 “Për shqyrtimin e ankimit administrativ të Albanian Mobile Communications Sh.A., për ndryshim të aktit administrativ, Vendim nr.1210, datë 31.03.2010 të AKEP “Për përcaktimin e sipërmarrësit AMC Sh.A., me fuqi të ndjeshme në treg dhe vendosjen e masave rregulluese”
7. Rregullore nr. 24 datë 02.02.2012 të Këshillit Drejtues të AKEP “Për Autorizimin e Përgjithshëm” miratuar me VKD Nr.1774, datë 02.02.2012.

### **K Ë S H I L L I D R E J T U E S :**

Nga shqyrtimi i praktikës dokumentare mbi çështjen, të përbërë nga:

1. Shkresa e sipërmarrësit AMC Sh.A., me Nr.Prot.5447/15, datë 17.02.2012 “Dërgim i sugjerimeve dhe ndryshimeve të shoqërisë AMC për amendimin e Ofertës Referencë të Interkoneksionit”.
2. Relacion shpjegues mbi projektvendimin (*Relacioni*) ;
3. Projektvendim i KD të AKEP për “Për disa shtesa dhe ndryshime në Ofertën Referencë të Interkoneksionit në zbatim të sipërmarrësit AMC Sh.A.” (*Projektvendimi*);
4. Materialet shkresore shoqëruese bashkëlidhur praktikës dokumentare mbi çështjen, si dhe, diskutimeve në mbledhje dhe bazës ligjore të sipërcituar,

### **V Ë R E N :**

1. Sipërmarrësi AMC Sh.A., me shkresën Nr.Prot.5447/15, datë 17.02.2012 “Dërgim i sugjerimeve dhe ndryshimeve të shoqërisë AMC për amendimin e Ofertës Referencë të Interkoneksionit” drejtuar AKEP-it, parashtron sugjerimet e tij për amendimin e Ofertës Referencë të Interkoneksionit në zbatim, duke u shprehur se këto ndryshime janë të domosdoshme për implementimin e suksesshëm të akteve rregullatore të nxjerra nga AKEP-i, konkretisht:
  - Vendim i Këshillit Drejtues të AKEP (VKD), Nr. 1739, datë 20. 12. 2011 “ Për shfuqizimin e VKD nr.1436 datë 3.11.2010 “Disa ndryshime në VKD nr.1345, datë 23.07.2010 “ Për shqyrtimin e ankimit administrativ të Albanian Mobile Communications Sh.A., për ndryshim të aktit administrativ, Vendim nr.1210, datë 31.03.2010 te AKEP “Për përcaktimin e sipërmarrësit AMC Sh.A., me fuqi të ndjeshme në treg dhe vendosjen e masave rregulluese”;

- VKD, Nr. 1774, datë 02. 02. 2012 “Për Miratimin e dokumentit “Rregullore për Autorizimin e Përgjithshëm”.
2. Sugjerimet e sipërmarrësit AMC Sh.A. për amendimin e Ofertës Referencë të Interkonksionit në zbatim, konsistojnë në:
- a. Plotësime në seksionet: seksion 1(pika 1.5), seksioni 4 (pika 1), seksion 20 (pika 20.5.1) duke shtuar një paragraf me këtë përmbajtje:
 

*“....apo në rastet kur AKEP ka konstatuar shkelje të kushteve të autorizimit të përgjithshëm nga ana e operatorit”.*
  - b. Plotësime të Seksioni 2, Kuadri Ligjor (Pjesa Kryesore), duke vendosur vendimet dhe rregulloret e AKEP, të cilat kanë pësuar ndryshime nga koha e miratimit të RIO-ve.
  - c. Shtesë në Seksionin 6, pika 1, të një paragrafi me këtë përmbajtje:
 

*“Për të shmangur çdo dyshim, shërbimet e interkoneksionit që nuk janë nën rregullim apo përjashtohen si të tilla në çdo kohë duke u bërë objekt i negociatave komerciale, nuk përfshihen në shërbimet e interkonkesionit që palët kanë detyrimin të ofrojne sipas kësaj RIO”.*
  - d. Ndryshime tek Pjesa Kryesore, Seksioni 7, dhe në Aneksin e Tarifave, të tekstit në lidhje me njoftimet për tarifën që nuk janë nën rregullim nga AKEP duke vendosur tekstin me këtë përmbajtje:
 

*“...operatori celular ka të drejtë t’i ndryshojë këto tarifa duke njoftuar operatorin përfitues të paktën 7 ditë para hyrjes në fuqi të tarifës së re në rast se ajo rezulton në rritje të tarifës së mëparshme dhe 2 ditë në rast se kjo tarifë rezulton në ulje”.*
  - e. Shtesë në Seksionin 8, pika 4, duke shtuar një fjali me këtë përmbajtje:
 

*“...duke përfshirë dhe një konfirmim nga AKEP që operatori është në përmbushje të të gjithë kërkesave të autorizimit të përgjithshëm”.*
  - f. Në Seksionin 10, pika 4 të shtohet paragrafi me këtë përmbajtje :
 

*“Faturat janë të pagueshme në Lekë pavarësisht nga monedha në të cilën ka lindur detyrimi. Në rastet e detyrimeve në monedhë të huaj do të zbatohet kursi i këmbimit të ditës së faturimit. Kjo dispozitë do të zbatohet edhe për pagesat e shërbimeve që nuk janë pjesë e kësaj RIO”.*
  - g. Në seksion 24 të shtohet pika 6 me këtë përmbajtje:
 

*“6. Për të shmangur çdo dyshim dispozitat e mësipërme nuk zbatohen në rastet e ndryshimeve të tarifave të shërbimeve nën rregullim nga AKEP, si dhe për shërbimet/tarifat që nuk janë pjesë e rregullimit”.*
  - h. Ndryshime të përmbajtjes në disa pika në Seksionin 32, si më poshtë:
    - Ndryshimi i përmbajtjes së pikës 1 me tekstin me këtë përmbajtje:
 

*“1. Ndryshimi i tarifave që nuk janë objekt rregullimi nga AKEP, hyjnë në fuqi pa miratimin e AKEP, nëse AKEP nuk shprehet me vendim për miratimin/mosmiratimin/pezullimin e ndryshimit të tyre.*

*Në këto raste nuk zbatohen dispozitat për ndryshimet e RIOs dhe MI të parashikuara në nenin 24.*

- Në fund të pikës 2 të shtohet togfjalëshi:  
*“...heqjen nga rregullimi i një apo disa shërbimeve/tarifave”.*
- Ndryshimi i përmbajtjes së pikës 3 me tekstin me këtë përmbajtje:  
*“3. Çdo amendim i kësaj RIO për:*
  - *përfshirjen e shërbimeve të reja nga AMC në RIO;*
  - *ndryshimin e tarifave që nuk janë nën-rregullim nga AKEP, hyn në fuqi menjëherë. Nëse njera palë nuk bie dakort , pala tjetër ka të drejtë të ndërpresë dhënien e këtij shërbimi menjëherë”.*
- i. Tek Aneks 1, në pjesën “Përkufizime” të shtohen përkufizimet:
  - *“ISPC- Kodi i Pikes së Sinjalizimit Ndërkombëtar”;*
  - *“NSPC- Kodi i Pikës së Sinjalizimit Kombëtar”.*
- j. Në Aneks 1 “Përkufizime dhe Shkurtime”, për përkufizimin e termit “Shërbimi i Terminimit” të ketë dy përkufizime:
  - *“ terminim i thirrjeve kombëtare” dhe,*
  - *“terminim i thirrjeve ndërkombëtare”.*
- k. Përcaktimi mbi parashikimin qarqeve të interkoneksionit për terminimin e trafikut të jenë të ndarë në:
  - *“trafik kombëtar” dhe,*
  - *“trafik ndërkombëtar”.*
- l. Në tabelën e tarifave për shërbimin 102 (terminimi i thirrjeve hyrëse ndërkombëtare) të shtohet fraza:  
*“...nuk është nën rregullim. Ndaj këtij shërbimi nuk zbatohen detyrimet e përcaktuara në këtë RIO”,*  
si edhe për nivelin e tarifës:  
*“Tarifë komerciale. Opeatori celular ka të drejtën e ndryshimit të tarifave për këtë shërbim me një njoftim paraprak 7 (shtatë) ditor dërguar me shkrim Operatorit Përfitues, nëse këto tarifa rezultojnë në rritje, dhe 2 ditë nëse rezultojnë në zbritje”.*
- m. Përmbajtja e Pikës 4.4.2 tek Aneks IV, të ndryshohet si më poshtë:  
*“Informacioni i shkëmbyer do të përfshijë:*
  - *Informacionin lidhur me Kodin(et) e Pikave të Sinjalizimit (SPC kombëtare), caktuar nga AKEP sipas rekomandimeve të SS7.*
  - *Operatori Përfitues që kërkon të terminojë trafik ndërkombëtar në rrjetin e AMC, duhet të disponojë:*
    - i. *ISPC (International SPC) të caktuar nga AKEP sipas rekomandimeve të SS7;*
    - ii. *Teknologji transmetimi TDM (Time Division Multiplexing) nëpërmjet shtresës fizike të fibrës me rrugëzim të mbrojtur e të sigurtë deri në pikën e lidhjes me operatorin ndërkombëtar (International Carrier).*

- *Informacionin lidhur me planin numerik të caktuar çdo pale dhe numrin e abonenteve ekzistues të Operatorit Përfitues në momentin e paraqitjes së kërkesës për interkoneksion, të vërtetuar nga evidencat përkatëse.*
  - *Informacionin lidhur me parametrat e cilësisë sipas nenit 5 të Rregullores “Për Akses dhe Interkoneksion” dhe “Marreveshjes së Nivelit të Sherbimit”, bashkëngjitur kësaj Marrëveshje Interkonkesioni.*
  - *Dokumentacionin përkates nga AKEP, lidhur me aftësinë për të kryer rrugëzimin e duhur të thirrjeve, sipas përcaktimeve të Rregullores “Për Portabilitetin e Numrit”, e ndryshuar”.*
- n. Të shtohet një pikë për vendosjen e të drejtës që operatori celular të shkëpusë kapacitetin e lidhur për trafikun ndërkombëtar, nëse Operatori Përfitues nuk e përdor fare këtë kapacitet për një periudhë 2 (dy mujore).
3. Përveç sipërmarrësit AMC Sh.A., me shkresa përkatëse i janë drejtuar AKEP-it edhe sipërmarrësit Vodafon Albania Sh.A., dhe Eagle Mobile Sh.A., duke sugjeruar gjithashtu amendimin e Ofertave Referencë të Interkoneksionit respektive, për të njejtën arsye të parashtruar edhe nga sipërmarrësi AMC Sh.A.
4. Pjesa më e madhe e sugjerimeve të të tre operatorëve celularë, të tilla si përfshirja e referencave për Rregulloren e Autorizimit të Përgjithshëm, rregulloreve dhe vendimeve të tjera që kanë lidhje me interkoneksionin dhe ofertat referencë, kërkesat shtesë për shkëmbim informacioni, përfshirjen e përkufizimeve shtesë dhe afate të njoftimit të ndryshimit të tarifave që nuk janë nën-rregullim, si edhe testete e vecanta në SLA, janë të ngjashme dhe të arsyeshme.
5. Por, disa nga sugjerimet e sipërmarrësit AMC Sh.A., nuk konsiderohen të nevojshme, të drejta dhe të bazuara ligjërisht dhe për këtë arsye nuk pranohen nga AKEP-i.

**Konkretisht:**

- a. Sugjerimet sipas gërmave “c”, “g”, “n” dhe sipas gërmës “l” ( për togfjalëshin “*Ndaj këtij shërbimi nuk zbatohen detyrimet e përcaktuara në këtë RIO*), nuk janë të nevojshme pasi ndryshimet e ndodhura nga aktet e nxjerra nga AKEP-i për këtë qëllim, nuk gjejnë reflektimin e duhur me anët të ndërhyrjes legislative të sugjeruar.
- b. Sugjerimi sipas gërmës “e”, ku operatorit përfitues për lidhje MI i kërkohet edhe një *konfirmim nga AKEP që operatori është në përmbushje të të gjitha kërkesave të autorizimit të përgjithshëm*, nuk është i bazuar pasi detyrimi për plotësimin e kushteve të përcaktuara në aktet e nxjerra nga AKEP-i për këtë qëllim është një detyrim ligjor, dhe është pala e interesuar ajo që ka barrën e provës për të vërtetuar plotësimin e tyre nëpërmjet informacionit që paraqet tek sipërmarrësi për lidhjen e Marrëveshjes së Interkoneksionit (MI). Gjithashtu edhe vërtetimi i plotësimit të detyrimeve të marra përsipër nga ana e sipërmarrësit nëpërmjet vetdeklarimit sipas aplikimit të zbatuar në përputhje me Rregulloren Nr. 24 “Për Autorizimin e Përgjithshëm”, miratuar me VKD Nr. Nr.1774, datë 02.02.2012, me qëllim lidhjen e MI me operatorët e tjerë, është në barrën e palës së interesuar që paraqet kërkesën për lidhjen e MI-së. AKEP-i vihet në lëvizje nëpërmjet procesit të zgjidhjes së mosmarrëveshjes së mundshme gjatë verifikimit të pretendimeve nëse pala e interesuar nuk arrin

të vërtetojë përmbushjen e këtyre kushteve, si dhe në rastet e verifikimit të plotësisimit të detyrimeve ligjore dhe masave rregullatore, nëpërmjet inspektimit sipas planifikimit vjetor për këtë qëllim.

- c. Sugjerimi sipas pikës m.ii për informacion mbi “*Teknologji transmetimi TDM (Time Division Multiplexing) nëpërmjet shtresës fizike të fibrës me rrugëzim të mbrojtur e të sigurtë deri në pikën e lidhjes me operatorin ndërkombëtar (International Carrier)*”, është një përcaktim i pa nevojshëm.
6. Përveç sugjerimeve që gjejnë përputhje, në shkresat e tre sipërmarrësve drejtuar AKEP-it me të njejtin objekt për amendimin e Ofertave Referencë të Interkoneksionit në zbatim, ka edhe sugjerime të tjera të drejta dhe të bazuara ligjërisht, të cilat me gjithëse janë individuale dhe nuk sugjerohen nga i njejtë sipërmarrës, nga pikpamja rregullatore janë të nevojshme për të qenë pjesë e secilës nga Ofertat Referencë të Interkoneksionit në zbatim të këtyre sipërmarrësve.
7. Sugjerimet e dhëna më sipër, të pranuar nga AKEP-i për amendimin e Ofertës Referencë të Interkoneksionit, reflektojnë qëndrimet rregullatore të AKEP-it të vendosura nëpërmjet akteve normative dhe individuale administrative të nxjerra pas periudhës së publikimit dhe hyrjes në fuqi të kësaj Oferte Referencë të Interkoneksionit në zbatim. Ato përmirësojnë ndieshëm kuadrin rregullator lidhur me kushtet për lidhjen e marrëveshjeve të interkoneksionit në përputhje me detyrimet ligjore dhe kushtet aktuale të tregut. Garantojnë më mirë kërkesën ligjore për kushtet e veçanta, për ndershmërinë, mosdiskriminimin, transparencën dhe arsyeshmërinë gjatë procesit të negocimit midis sipërmarrësve për lidhjen e MI. Pas miratimit të shtesave dhe ndryshimeve në Ofertat referencë të Interkoneksionit, është e nevojshme që ato të reflektohen edhe në marrëveshjet e interkoneksionit të lidhura nga sipërmarrësi AMC Sh.A., me operatorët e tjerë.

## **P Ë R K Ë T O A R S Y E :**

Bazuar në pikën 1 të nenit 114 dhe pikën 1 të nenit 115, të ligjit nr. 9918, si dhe pikën 17 të nenit 21 të Rregullores së Brendshme, në zbatim të shkronjën c) të nenit 8 dhe nenin 52 të ligjit nr. 9918 dhe Rregullores Nr. 19, datë 14.06.2010 “Për Aksesin dhe Interkoneksionin”, e ndryshuar,

## **V E N D O S :**

1. Të pranojë pjesërisht sugjerimet e sipërmarrësit AMC Sh.A., për disa shtesa dhe ndryshime në Ofertën Referencë të Interkoneksionit në zbatim dhe t’i miratojë ato sipas dokumentit bashkëlidhur këtij vendimi (Aneksi 1).
2. Përveç sugjerimeve të sipërmarrësit AMC Sh.A., të pranuar nga AKEP-i sipas pikës 1 të këtij dispozitivi, në Ofertën Referencë të Interkoneksionit në zbatim, AKEP sipas dokumentit bashkëlidhur (Aneksi 1) vendos edhe disa shtesa dhe ndryshime të tjera që i konsideron të nevojshme.

3. Bazuar në pikën 32.2 të Ofertës Referencë të Interkoneksionit në zbatim të sipërmarrësit AMC Sh.A., ndryshimet e pësuara nëpërmjet këtij vendimi do të bëhen pjesë e marrëveshjeve të interkoneksionit të lidhura midis AMC-së dhe paleve të tjera, me efekte nga data e përcaktuar nga AKEP për hyrjen në fuqi të tyre, si më poshtë:
  - a. Për hyrjen në fuqi të ndryshimit në lidhje me tarifën e terminimit të thirrjeve hyrëse ndërkombëtare (nga nën-rregullim në komerciale), do të zbatohet afati i përcaktuar në vendimet e KD të AKEP, Nr.1739, 1740, 1741 dhe 1742, datë 20.12.2011, që ndryshimi hyn në fuqi më datë 01.02.2012;
  - b. Amendimet e Ofertës Referencë të Interkoneksionit në zbatim, të miratuara në këtë vendim, do të duhet të hyjnë në fuqi në datën e mbarimit të periudhës tranzitore të përcaktuar në Rregulloren e Autorizimit të Përgjithshëm, pra më datë 09.05.2012.
4. Oferta Referencë e Interkoneksionit me shtesat dhe ndryshimet e pësuara sipas këtij vendimi, të publikohet nga sipërmarrësi AMC Sh.A., brenda 7 ditëve pas marrjes së njoftimit vendimit.
5. Vendim të publikohet në faqen e internetit te AKEP: [www.akep.al](http://www.akep.al)

Ky vendim hyn në fuqi në datën e miratimit të tij.

**K R Y E T A R I**

**Piro XHIXHO**

**ANËTARET E KËSHILLIT DREJTUES:**

1. Alban KARAPICI
2. Alketa MUKAVELATI
3. Benon PALOKA
4. Zamira NURCE

## ANEKSI 1

### SHTESAT DHE NDRYSHIMET NE OFERTËN REFERENCË TË INTERKONEKSINIT NË ZBATIM TË SIPERMARRËSIT AMC SH.A., TË MIRATURA NGA AKEP-I ME VENDIMIN E KËSHILLIT DREJTUES

Nr. \_\_, DATË \_\_\_\_ .04. 2012

1. Tek Pjesa Kryesore “Përmbledhje” gërmat “c” dhe “e” ndryshohen si më poshtë:
  - (c) Oferta Reference e Interkoneksionit zbatohet për sipermarrësit që operojnë në Republikën e Shqipërisë, të cilët janë të autorizuar nga AKEP sipas regjimit të autorizimit të përgjithshëm dhe që kanë të drejtë të interkonektohen, në përputhje me Ligjin 9918, datë 19.05.2008, “Për Komunikimet Elektronike në Republikën e Shqipërisë” (Ligji 9918), Rregulloren për Akses dhe Interkoneksion, **Rregulloren për Autorizimin e Përgjithshëm dhe çdo akt tjetër rregullator, që ka lidhje me këto Oferte Reference**, në fuqi të miratuar nga AKEP.
  - (e) Kjo Oferta Reference Interkoneksioni shërben si bazë për Marrëveshjen e Interkoneksionit midis AMC dhe operatorit përfitues, marrëveshje e cila do të përfshijë edhe shërbimet e ofruara nga Operatori **Përfitues në përputhje me Rregulloren për Autorizimin e Përgjithshëm**, së bashku me tarifatat përkatëse.
2. Tek Pjesa Kryesore, Seksioni 2. Kuadri Ligjor, pikat 2.2 dhe 2.3 ndryshohen si më poshtë:
  - 2.2. Rregulloren nr.19, datë 14.06.2010 “Për Aksesin dhe Interkoneksionin” miratuar me Vendimin e Këshillit Drejtues të AKEP Nr. 1300, datë 14.06.2010, i ndryshuar (ketej e tutje ‘Rregullorja e Aksesit dhe Interkoneksionit’); **Rregulloren nr 16, datë 16.04.2010 “Për treguesit e cilesise” miratuar me VKD 1256, datë 16.04.2010; Rregulloren nr. 18, datë 11.06.2010 “Për procedurat e zgjidhjes së mosmarrëveshjeve”, miratuar me VKD nr 1296, datë 11.06.2010; Rregulloren “Për portabilitetin e numrit” e ndryshuar, miratuar me VKD nr 1219, datë 7.4.2010; VKD nr 1318 datë 14.06.2010 “Për miratimin e specifikimeve teknike për portabilitetin e numrit”; Rregulloren “Për Autorizimin e Përgjithshëm” miratuar me VKD nr. 1774, datë 02.02.2012 si dhe çdo akt tjetër normativ të nxjerre nga AKEP me ndikim në këto Oferte Reference të Interkoneksionit.**
  - 2.3 **Vendimin e Këshillit Drejtues të AKEP, Nr. 1211, datë 31.03.2010, i ndryshuar, që ka përcaktuar AMC sipermarrës me Fuqi të Ndjeshme në Treg (FNT) dhe masat rregulluese për këtë status në tregun me shumicë të terminimit të thirrjeve në rrjetin AMC dhe në tregun me shumicë të aksesit dhe origjinimit të thirrjeve në rrjetet celulare në Republikën e Shqipërisë : VKD nr 1505, datë 10.02.2011, VKD nr 1507, datë 10.02.2011 dhe VKD nr 1559, datë 20.04.2011.**



3. Tek Pjesa Kryesore, Seksioni 3, në fund të paragrafit 3.4 shtohet fraza e mëposhtëme:  
3.4 **....dhe çdo akt tjetër normativ i nxjerre nga AKEP me ndikim ne kete Oferte Reference Interkoneksioni.**
4. Tek Pjesa Kryesore, Seksioni 32 ndryshon si më poshtë:
- 32.1 Ndryshimet ose shtesat e kesaj Oferte Reference, duke perfshire Anekset e saj, Amendamentet, Shtojcat dhe Listat e Sherbimeve, behen sipas percaktimeve ligjore dhe nenligjore dhe jane objekt i miratimit nga AKEP. Ndryshimi i tarifave qe nuk jane objekt rregullimi nga AKEP, **hyjne ne fuqi pa miratimin e AKEP, per sa kohe AKEP nuk shprehet me vendim per mosmiratimin/pezullimin e ndryshimit te tyre.**
- 32.2 Çdo amendim i RIO se Vodafone Albania (pervec rasteve ne piken 32.3) qe kryhet ne perputhje me udhezimet/vendimet e AKEP e ka lidhje me:
- percaktimin, rregullimin ose heqjen nga rregullimi te tarifave apo sherbimeve te perfshira ne RIO-n e AMC;
- behet pjese e marrveshjes se interkoneksionit te lidhura nga AMC me palet e tjera, me efekte nga data e percaktuar nga AKEP per hyrjen ne fuqi te tyre.**
5. Tek Aneks 1 “Perkufizime dhe Shkurtime”, në pikën 1.1, shtohen perkufizimet e termave:
- “ISPC”: *Kodi i Pikes se Sinjalizimit Nderkombetare (International signalling point code).*
  - “NSPC”: *Kodi i Pikes se Sinjalizimit Kombetar (national signalling point code).*
- 5.1 Tek perkufizimi i termit “Sherbimi i Terminimit ne AMC” të shtohen:
- **“Sherbimi i Terminimit te trafikut kombetar ne AMC ”**  
**Sherbimi nepermjet te cilit AMC, ne emer te Operatorit Perfitues percjell Thirrjet kombetare te ketij te fundit, ose te tranzituara prej tij, nga Pika e Interkoneksionit per ne nje Pike fundore te Rrjetit te tij ne Republiken e Shqiperise, te identifikuar nepermjet numrave te abonenteve/ pajtimtareve te AMC.**
  - **“Sherbimi i Terminimit te trafikut nderkombetar ne AMC”**  
**Sherbimi nepermjet te cilit AMC, ne emer te Operatorit Perfitues percjell Thirrjet nderkombetare, te tranzituara nga ky i fundit, nga Pika e Interkoneksionit per ne nje Pike fundore te Rrjetit te tij ne Republiken e Shqiperise, te identifikuar nepermjet numrave te abonenteve/pajtimtareve te AMC.**

6. Tek Aneks II “Shërbimet dhe Tarifat e Interkonksionit”, germa “b” e pikës 2.3.1.2 të ndryshohet si më poshtë:

**2.3.1.2 Sherbimi 102 do te kete ne dispozicion kapacitet (kapacitete) ekskluziv te dedikuar transmetimi, i ndryshem nga ai i sherbimeve te tjera te terminimit.**

7. Tek Aneks II “Shërbimet dhe Tarifat e Interkonksionit”, në pikën 2.4.1 numri 102, teksti në Kolonat “Tarifa për Kohëzgjatje”, “Tarifa për Thirrje” të ndryshohet si më poshtë:

#### **Tarife komerciale**

**AMC ka te drejten e ndryshimit te tarifave per kete sherbim sipas përcaktimeve të Seksion 7, Në Pjesa Kryesore të RIO.**

8. Tek Aneks IV “Karakteristikat e Përgjithshme të Interkoneksionit” behen ndryshimet si me poshte:

8.1 Pika 4.3.2 të ndryshohet si më poshtë

**4.3.2 Informacioni i nevojshem eshte si vijon:**

- **Kopje e Çertifikates se Konfirmimit te Njoftimit leshuar nga AKEP ne perputhje me Rregulloren “Per Autorizimin e Pergjithshem”, miratuar me VKD 1774 date 02.02.2012;**
- **Kopje ekstrakti nga Qendra Kombetare e Regjistrimit (QKR);**
- **Propozim mbi vendodhjen e Interkoneksionit;**
- **Struktura e Rrjetit;**
- **Tabelen e rrugezimeve te trafikut nderkombetar duke siguruar te pakten dy rrugezime per secilin destinacion;**
- **Adresat e nyjeve të komutimit;**
- **Menyra e lidhjes dhe infrastruktura qe do te perdoret per te arritur deri ne piken e interkoneksionit (ose hapësiren e bashkevendosjes);**
- **Karakteristikat e pajisjes së transmetimit të përdorur për Interkoneksion;**
- **Karakteristikat e pajisjes së komutimit të përdorur për Interkoneksion;**
- **Shërbimet e kërkuara: zanore, të dhëna, faks, etj dhe pershkrimin teknik per to, ne perputhje me Certifikaten e Konfirmimit te Njoftimit leshuar nga AKEP;**
- **Nese Operatori Perfitues kerkon te kryeje tranzit nderkombetar ne rrjetin e AMC, duhet te paraqese te dhenat e Pikes Nderkombetare te Sinjalizimit (ISPC) te caktuar nga AKEP dhe te pakten nje marreveshje perfundimtare te lidhur me operatorin nderkombetar;**

- Seritë numerike që do të përfshihen ne Marreveshje sipas Autorizimit Individual per caktimin dhe perdorimin e numrave dhe serive numerike, leshuar nga AKEP;
- Vetedeklarimin lidhur me aftesine per te kryer rrugezimin e duhur te thirrjeve, sipas percaktimeve te Rregullores “Per Portabilitetin e Numrit”,e ndryshuar;
- Parashikimi per trafikun qe do te shkembehjen. Parashikimi per trafikun kombetar duhet te jete i i ndare vecmas nga ai nderkombetar, duhet te jete i detajuar per çdo pike interkoneksioni dhe sherbimi dhe duhet te perfshijne edhe parashikimin per ‘Perpjekjet per Thirrje’ gjate "Oreve te Pikut” dhe "Trafikun e oreve te Pikut” (ne Erlangs);
- Historikun e te dhenave per trafikun e gjeneruar nga abonentet e Operatorit Perfitues (origjinim/tranzitim/terminim) sipas raporteve te dorezuara ne AKEP periodikisht
- Procedurat dhe sistemet e informacionit qe kane te bejne me trajtimin dhe matjen e treguesve te cilesise, sipas Rregullores per Treguesit e Cilesise se Sherbimit, perfshire ketu Manualin perkates dhe dokumentat perberes, sipas nenit 7 te kesaj Rregulloreje;
- Vetedeklarimin mbi ekzistencen ose jo te sistemeve qe mundesojne lejimin e pergjimit nga autoritetet kompetente, sipas legjislacionit ne fuqi per pergjimin e telekomunikimeve;
- Masat e marra nga Operatori Perfitues per sigurimin e aksesit pa pengese ne sherbimet e emergjences ne perputhje me seksionin 23 te Aneksit C te Rregullores per Autorizimin e Pergjithshem

8.2. Pika 4.4.2 të ndryshohet si më poshtë:

**4.4.2 Informacioni i shkëmbyer do te perfshije:**

- Te dhenat mbi tipin e sinjalizimit dhe informacionin lidhur me Kodin(et) Kombetar te Pikave te Sinjalizimit, caktuar nga AKEP sipas rekomandimeve te SS7. [
- Informacionin lidhur me planin numerik te caktuar çdo pale dhe numrin e abonenteve ekzistues te Operatorit Perfitues ne momentin e paraqitjes se kerkeses per interkoneksion, te vertetuar nga evidencat perkatese

9. Tek Aneks VI “Procedura e Parashikimit te Kapacitetit te Interkoneksionit”, në fund të Pikës 6.1 të shtohet paragrafi:

**Ne rast se Operatori Perfitues kerkon te tranzitoje trafik nderkombetar ne rrjetin e AMC , atehere parashikimi per trafikun nderkombetar duhet te paraqitet i ndare nga trafiku kombetar.**

10. Në Marrveshjen e Nivelit të Shërbimit (SLA) , në Seksion 6 të shtohet pika 6.8 si më poshtë:

**Matjet per treguesit e cilesise se trafikut te behen te ndara per trafikun e thirrjeve hyrëse me origjinë Kombëtare, Ndërkombëtare dhe trafikun drejt numrave te portuar.**